

Dimans dernié, not tout' té assiz sou pié letchi, in kestion lariv subitmen.

[Alexis] – Ôté, kwé i pass par zot tête kan in moune i di “Nous”. Tien, a ou Vivienne, kwé ou en pens ?

[Vivienne] – Ah ben pou moin kan i di “Nous”, mi wa moin ek mon ti kaf la soie, braté comme chouchou ek la morue. Mi wa pa mon vi san li. Son prézans, son lodèr, son karèss, son band mo dou, tout' zest l' atansion li na pou moin. Si li té pa la, noré pa eu de “ Nous”.

Bernadette i pren la suit.

[Bernadette] – Lé vrai sak ou di soman. A moin kan i di “ Nous” mi pens mon zenfan. Bon, lé vré ma pu boug, mé si navai poin la somanse bana té pa là zordi. Bana lé mon rézon viv. Sa mon sang, mon chair. Moin la vu bana grandi, ma sogñ bana dopi tan ti, tout' l'amour mavé, té pou zot ! Kèm té pa facile tou lé zour, pou moin sa cé le vré “ Nous” . A moin ek mon band zenfan : un cado du ciel.

[Alexis] – Joséphine, kwé ou di dsa ou ?

[Joséphine] – A moin ? Ben « Nous » c'est sa la, c'est ke not tout' lé la en train côté. C'est tout' de moune i entour a moin, ke mi cotoi dan la vi tou lé zour. Voilà koi.

[Ti Jean] – A moin si mi rejoin le poin vu Joséphine. Lé colleg, lé zami, la famiy, tout' i fé in ansanm.

Tout' l'après-midi nou la continué cose si thème la et la i wa comen sacun i wa lé choses différemment.

[Sandra] – Vous parlez un peu vite pour moi, mais dans l'ensemble je pense avoir compris. A mon sens, quand on parle de « Nous » j'entends mes parents, mes frères, un groupe. Cela peut être des collègues, une association, des ami(e)s. C'est cette mixité que l'on a ici, le mélange de cultures, de religions, cette harmonie que nous avons la chance d'avoir. Et si je peux me permettre : « Mi aim la Rénion ».

Éclats de rires

Justin dépi in moman té apuiyé cont pié letchi la, pou akout a nou. Tou d'in kou li débark dan nout cosé.

[Justin] – Zot lé parèy band gran lestré. La cosa « Ah l'amour par ici par là-bas ? Alé marsé don ! Coméla rien do moune ansou. Vo mié mars tou sèl.

[Mimose] – Ferm in pé out také Zistin ! Ou n'a touzour in nafair pou di. Pa nou lotèr si ou lé mal aimé.

Tchouk... Zistin en ké bèf, i foulkan Tout' do moune la pren son réaction à la rigolade.

[Betty] – Bon ben ma continié alor. *Rire jaune*

Pou moin, « Nous » i commens par la cominon avek le Divin. Dieu et moin nou sar partout. C'est li i guid à moin dans tout mon band choix. « Nous » c'est osi le moi intérieur, come ki di, et mon corps c'est-à-dire mon l'esprit ek son envelop. Après i pe osi avoir le « Nous » multidimensionnelle : le moin du passé, du présent et du futur. Les 3 i form in mêm zafér.

Pi in mous' té i vole, tout' kanèt té gran rouver.

[Alexis] – Non mé lé intéressan tout' zot poin vu. Tout sa pou dia zot ke peu importe nout différens, kelké soi l'endroit de la planèt, « Nous » c'est avant tout in ansanm, in tout', in noyau de sazès, de bienvéiyans, de difision l' Amour. Avek passaz Zistin i wa osi ke c'est pas rienk sa, c'est osi la person ek son zistoir, le bon, lé mové, kan tout' i maille kome i di : Fo de tout' pou fèr in monde.

Bon ben en tout cas mi rémercié zot tout' et mi spèr Nora dot' ti diskision improvisé comsa